

مکتبہ اسلامیہ

ادبی و سیاسی رسالہ اسبوعیہ در

۳۱ نجی سنہ

۱۱ ذی القعدہ ۱۳۲۹

پنجشنبہ

جزء عدد : ۱۱۹

مقتطفات تاريخيه

برلين قونغره سنده برنس غورچاقوف
شوالوفك غير مطبوع خاطراندن ۱]

مقدرات مللی نصل اللر اداره ایدیور !

برنس غورچاقوف ، حیات سیاسیه سنک بعض ادوارنده یک بیوک بر درایت
ومهارت ووقوف اقتدار ایله شهرتیاپ کال اولمش بولمسنه رغماً هیچ بر زمان
برایش آدمی ا اولمق مزیتتی ، یعنی در عهده ابتدکی براسری ، کافه صفحات و تفرعاتی

۱] قونت [شوالوف] ک غیر مطبوع خاطراندن مستخرج اولان بوقرات ، [غابریئل
هانوتو] نک [فرانسه دور حاضر تاریخی] عنوانی درت جلد اثر معتبرنده حاشیه صورتنده
مندرجدر . [هانوتو] ، فرانسه یک ۱۸۷۰ دن صگرمکی ادوارینی شامل اولان بوناریخنده ،
عنائی - روس سفیرنه برلین قونغره سته دائره بالمناسبه مفصل ومکمل بر فصل تخصیص
ایلمشدر . مؤرخ شهر بوفصلی یازمق ایچون ، تألیفک اقسام سائر سنده اولدینی گئی ، یک
چوقق تبعات اجرا ایلمش بولندینی و خاصه بعض اکابر رجال سیاسیه یک غیر مطبوع خاطرانی ده
تدقیق ایلمک موافق اولدینی جهته ، فصل کرک روس بحاربه سته ، کرک برلین قونغره سته دائره
سائر برچوقق تألیفاتده تصادف ایدیله میان یک مهم وجالب استفاده معلومات ونوشفیده مطالعات
ومحاکاتی جامع بولمقده در . [هانوتو] نک ، مندرجاتی تدقیقه فرصتیاب اولدینی خاطرات
میاننده بالخاصه قونت [شوالوف] ایله [فرمودوری پاشانک] خاطراتی شایان ذکر در . قونت
[شوالوف] ، روس بحاربه سی آساننده روسیه نک لوندره سفیری ایدی ؛ بالاخره برلین
قونغره سته ایکنچی روس مرخصی صفیلله اعزام قلندی . بوجهته قونغره حقنده کی خاطراتی
یک مهم اولمق اقتضا ایدر . مرحالده قونتک خاطراندن بیطرفانه برمسسک طوندینی ووقایعی ،
ممکن مرتبه علی وجه الصحه نقل و تصور ایلدیکي ، هم جنسی ومانوقی اولان غورچاقوف
حقنده بوجه بالا ترجمه ابتدیکمز توصیفاتیله تظاهر اتمکده در . فرمودوری پاشا ایسه برلین
قونغره سته تدبیر ایدیلان اوچ عنائی مرخصندن بری واک مهمی ایدی . هانوتوک آرنده آنک
غیر مطبوع خاطراندن ده مستخرج بر خیل فقرات واردرکه بونار میاننده دخی مناسب
کوردکار منری مجموعه منزه نقل ودرج ایلله جکیز .

بحق تأمل واحاطه ایله نهایتاً قدر سوق و اداره ایده یلک خصلتی کو ستره مامشدر .
 واقعا برنس ، سامعه نواز ، ظریف و نکته پروانه بر صورتده تدویر کلام ایتمک خاصه سنه
 مالک ایدی؛ فقط کیریشدیکی مباحثده عمومیت داره سندن آریله ماز ، مسئله نك قطعی
 و صریح جهت لرینه - صرف عدم احاطه و وقوف طولانیسیله - یناشق ایسته مزیدی .
 حتی بن بلا مبالغه ادعا ایدر مک کنیدیسی ، دم شیخوختنده کی ضعف جسمانی به
 دو چار اولمدهن اولکی زمانلرده بیله ، مثلاً بر خریطه اوزرنده بالقان حکومات
 مختلفه سنك مواقع جغرافیة سنی - تقریبی بر صورتده اولسون - ارانه ایتمکدن
 و یا خود باطوم و قارص شهر لرینك موقع لرینی تعیین ایلمکدن عاجز ایدی . بر مسئله
 موضوع بحث اولدیمی برنس ، - کندی تعبیر معروفی وجهله - یالکیز (خطوط
 اصلیه نی چیز مکله) اکتفا ایدر ، یعنی - ینه کندی تعبیری اوزره - مسئله به (بالادن
 نظر انداز) اولوردی . ایسته بن کنیدیسنك بو حائنه اییدن ایی به واقف اولدیغم
 جهتله برلین قواغرمه سی مذاکراتنك اثنای جریاننده برنس ، بر صباح بنی بوله رق ،
 مسائل سارمنك جمله حافی بکا براقدیغنی و یالکیز (باطوم) مسئله سنی کنیدیسنه
 حضر ایلدیکنی سوبلیجه ، جداً اندیشنك اولمشدم . مشارالیه (باطوم) حقنده
 مذاکراتی لورد (بیقونسفیلد) ایله منفرداً اداره ایده جکنی بیان ایلمشدی .
 اوصره لرده قواغرمه ختامه ایرمک اوزره بولنیوردی . برنس بسمارق (کیسیگن) ه
 عزیمت ایچون استعجال کو ستر مکده اولدیغنی جهتله مذاکراتنك بر آن اول نتیجه لنمسی
 آرزوسنی اظهار ایلور و هرگون بکا توجیه خطاب ایده رک ، آسیا حدودینك
 تعیین و تقدیری خصوصنده انکلتزه ایله روسیه آره سنده ائتلاف حصوله کلوب
 کلمدیکنی آکلامق ایستیوردی . برنس غورچاقوفنك آنفا سویلیدیکم قرارینی بکا
 تبلیغ ایتمدیکی گون ، بسمارقنك سؤالنه ینه هدف اولدیغمن ، کنیدیسنه آسیا حدودی
 مذاکره سنی برنس (غورچاقوف) بالذات در عهده ایلمدیکنی بیلدیرم . دیگر
 طرفدن بو مسئله حقنده بنی تضییق ایدوب طور مقده اولان مارکی دو (سالیسبوری) یده
 عین افادانده بولنم اوزرینه مارکی بکا : - « فقط عزیزم قونت ، لورد (بیقو -

نسفیلد) ، بوباید مذاکره اجراسته قادر دکلدر ؛ چونکه شمعی به قدر بر آناتولی خریطه سی بیله کور مامشدر . « جوانی وردی .
 نهایت برنس دو بشمارق برگون بزه ، اگر یگر می درت ساعت ظرفنده عقد ائتلاف اید مزسهك دها زیاده بکله میهرك عزیمت ایله جکفی صورت قطعیده بیلدیردی . آندن برقاج ساعت صکره برنس (غورچانوف) ایله (لورد بیقو - نسفیلد) آرمند بر ائتلاف تام حصوله کلدیکنی کمال مسرتله خبر آلدق . برنس (غورچانوف) بالذات کلوب نتیجه ائتلافی اجتماع آتیده رسماً تبلیغ اید جکلرینی وعد ایلدی .

§

شمعی مسئله نك آلدینی شکلی ارباب مطالعه نك آکلایه سلسی ایچون بر آزار ایضاحات اعطاسی لازمدر . بزم یانمزده (یعنی روس هیئت مرخصه سنك یاننده) بر آسیا خریطه سی وار ایدیکه بونك اوزرینه ارکان حرب هیشمز بر طرفدن (آیاستفانوس معاهده) سنده تقرر ایدن حدودی گوسترمش ؛ دیگر طرفندن ده ، انکلترونك مدعیات و مطالباتی اوزرینه روس مرخصلرینك ترك اید بیله جکلری اراضینك حد غایه سنی آریجه بر نك و خط ایله ارايه ایشلردی . بوایکنجی خطك اسرار دولتدن معدود اولدیغنی و بزدن بشقه کیسه نك سلسی جاز بولمادیغنی بیان و تصریح زاندر ؛ ظن ایدرم .

قونفره نك آسیا حدودی مسئله سنه تخصیص ایدیلان بوصوك جلسه سی برمهات مخصوصه یی حاز بولنیوردی . چونکه اوروپاده صلح و مسالمتك تقرر و یا حربه دوام بوجلسده حاصل اوله جق نتیجه وایسته ایدی . اجتماع ایچون طولیانلیدیغنی زمان رئیس (یعنی بشمارق) حل مسئله یی درعهده ایش اولان ایکی طرف مرخصلرینه ، یعنی برنس (غورچانوف) ایله لورد (بیقونسفیلد) ، یان یانه اوتورملرینی وینلرنده واقع اولان ائتلافك صورت و متنی بیلدیرملرینی تکلیف ایتدی . بوایکی ذات بر موجب تکلیف یان یانه اوتورهرق هرایکیسده بومناسبتله اخضار ایش اولان بر خریطه یی چقاروب اوکلرینه کجایر بولمیش

اعضای ایسه آرقه لرندہ بر خلقه تشکیل ایدیلہرک آیاقده طور مقدمہ ایدک . بن بوایکی خریطہ یہ بر نظر عطف ایدر ایتمز ، در حال نصل مدہش بر تشوش حصولہ کلہ جکفی آکلادم . پرنس (غورچاقوف) کُ خریطہ سی یالکُز برتک خط حدودی حاوی اولہرق ، اودہ (آیاستفانوس معاہدہ) سندہ کی حدود ایدی . و پرنس کال حرارت ایلہ (مای لورد) کُ بوحدودی قبول وتصویب ایلدیکفی سویلیوردی . لورد (بیقونسفیلد) ایسہ (غورچاقوف) کُ بتون سوزلرینہ قیصہ و قطعی برر (خیر! خیر!) جوابلریلہ مقابلہ ایدیور و اودہ گندی خریطہ سی اوزرندہ کی چیزکی بی گوسترہ رک گندی موافقت ایلدیکفی حدودک بوخطدن عبارت بولندیغنی ادعا ایلوردی . حال بوکہ بن بر آزدقت ایدنجه ، لورد (بیقونسفیلد) کُ خط حدودی ، ارکان حرب ہیتمز طرفندن حدغایہ اولہرق تعین ایدلمش اولان حدودک عینی اولدیغنی کال بہت وحیرت ایلہ کوردم .

ایکی طرف مرخصنک ادعا لرنده و یکدیگر لرنینک افادہ سی تکذیبده کی اصرار لری مذاکراتک بر شکل وخیم آلمسی انتاج ایلک اوزرہ ایدی . چونکہ ہر ایکسی دہ گندی خریطہ سندہ کی خطک طوغری اولدیغنی بیاندن صرف نظر ایلوردی . نہایت (غورچاقوف) یرندن قالقدی ؛ ہم المی شدتلہ صیقہرق - « ایشدہ براخات وار ، انکلزلر بزم ارکان حربک خریطہ سی الدہ ایتمشلر . » دیدی . حال بوکہ بن بعدالجلسہ مسئلہ حقندہ تحقیقاتدہ بولنہرق اوگردم . کہ پرنس (غورچاقوف) برگون اؤل بر آناطولی خریطہ سی ایستہ مش . بزم ہیئتدہ کندیسنہ ارکان حرب بزمک آبری آبری ایکی خطی حاوی کیزلی خریطہ سی کوندرمش . پرنس (غورچاقوف) بو خریطہ بی لورد (بیقونسفیلد) ، کوسترمش و مارکی دو (سالیسبوری) یہ ارانہ ایدلمک اوزرہ دہ ایکی اوج ساعت ایچون کندیسنہ اعارہ ایلش . انکلزلر خریطہ اوزرندہ آیاستفانوسدہ تعین ایدیلن حدود دن گپرو بر بشقہ خط دہا اولدیغنی کورنجه در حال بوخطی گندی خریطہ لری اوزرینہ نقل ایتمشلر ؛ ایشتہ پرنس (غورچاقوف) کُ ادعا ایلدیکفی اخانتک منشای بوایمش .

قونفرمک رئیس ، ایکی طرف مرخصنک طوتدقلری بویاکلش بولدن بردرلو

آیرلق ایسته‌میه‌رک ایشی اوزاتمقدمه اولدقلرینی گورنجه ، مستهزایانه براد ایله :
 قونفره‌نک یارم ساعت قدر تعطیل مذاکرات ایتسنی و بومدت ظرفنده انکلتیه
 و روسیه‌نک ایکنجی مرخصلری ایله آلمانیا‌نک ایکنجی مرخصی پرنس دو
 (هوه‌نلوهه) نک اجتماع ایدرک اکثریت آرا ایله حل مشکلات ایللرینی تکلیف
 ایتدی . بوتکلیف درحال قبول اولندی ؛ وایکی اختیار سیاسینک مشوش
 برحاله کتیردکلری ایش‌ده بوساییده بزم نفهمزه موافق برصورت تسویه‌یه اقترا
 ایلدی . فی‌الواقع بن آیاستفانوس معاهده‌سنده تقرر ایدن خطک ابقاسنده اصرار
 ایتدم ؛ مارکی دو (سالیسبوری) ده روس ارکان حرب هیئت طرفندن چیزلمش
 اولان ایکنجی خطدن واز کچمدی ؛ نهایت پرنس دو (هوه‌نلوهه) طرفین
 آره‌سنده مختلف فی اراضی‌یی ایکی قسم متساوی‌یه آیره‌جق صورتده برخدمتوسط
 تکلیف ایتدی ؛ بن درحال بونی قبول ایتدم و پرنس (هوه‌نلوهه) ده بکا التحاق
 ایتدیکندن مسئله حل ایدلمش اولدی . ایکی گون صکرده معاهده‌نامه‌یه عموماً
 وضع امضا ایتدک .

